


水陸儀軌會本



(非賣品)

水陸儀軌會本

普爲施資
讀誦回向偈曰

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
一切助成人 輾轉流通者
現眷咸安樂 先亡獲超昇
風雨常調順 人民悉康寧
法界諸含識 同證無上道

佛曆二五五一年（西曆二〇〇七年）
歲次丁亥年九月十九日
觀世音菩薩出家日敬印

敬印者：眾佛弟子

承印者：宏大印刷製本公司
香港新界葵涌大連排道金龍
工業中心三期十二樓A座
電話：二四八七六三五七
傳真：二四二四一八〇九

重刻水陸儀軌序

甚矣。佛恩之廣大周徧。而靡有子遺也。初成正覺。說所證法。唯法身大士。方能與會。人天凡小。不見不聞。于是爲實施權。寢大用小。隨順機宜。循循善誘。待其已斷煩惱。已證真諦。然後種種彈斥。多方淘汰。俾其發大心而冀佛果。不住法而修萬行。迨至根機已熟。則會三歸一。開權顯實。普授作佛之記。大暢出世。

本懷。從茲了知一切法皆是佛法。一切人皆是佛子。而復自甘退屈矣。又復憫彼自力劣弱。現生斷難了脫者。特開淨土法門。令其仗佛慈力。往生西方。其有罪障深重。定業不易轉移者。大啟祕密觀道。使彼承三密力。滅盡無餘。然此二法。乃凡聖同修之道。成始成終之法。以其偏顯業繫凡夫。頓獲勝益。作如是說。實則十方三世諸佛。莫不由此以圓成佛。

道莫不由此以普度羣萌也。迨至法流震旦。梁武御極。由高僧以示夢。俾普度夫含靈。因茲備覽大藏。製斯儀軌。自是流通。以至今日。溯其原始。則以無量威德陀羅尼而爲發起。究其纂述。與其修設。則一代時教。一切諸法。無不備舉而讀誦修持焉。故其法門廣大。利益宏深。不但使六道凡夫。頓脫業縛。亦兼令三乘聖人。速證菩提。然人能宏道誠。堪契真。

若請法齋主。與作法諸師。各皆竭誠盡敬。則其利益。非言所宣。譬如春回大地。草木悉荷生成。月麗中天。江河各現影象。故得當人業消智朗。障盡福崇。先亡咸生淨土。所求無不遂意。並令歷劫怨親。法界含識。同沐三寶恩光。共結菩提緣種。若齋主不誠。則出錢之功。德有限。慢法之罪。過無窮。僧眾不誠。則是鼓橐籥。以爲經。交杵碓。以成禮。于三寶龍天降。

臨之際。作鹵莽滅裂塞責之行。其不至罪山
聳峙。福海乾枯。生罹災禍。死受譴謫者。何可
得也。此書杭垣之板。模糊不堪。天童雖刻。亦
難普及。以故維揚萬壽寂公。寶輪裕公等。募
資重刻。以冀廣傳。今光紀其年月。故略述原
委。與其利弊。俾從事此法者。唯得其益。不受
其損。則佛聖歡喜。而福慧二俱增崇矣。願修
法者。其各勉旃。

時

佛曆二千九百五十一年歲次甲子春王月

古莘常慚愧僧釋印光謹撰

水陸大意綸貫

面然興權。冥被阿難。我佛慈濟。開演妙法。此最初施食之大因緣也。訖於震旦。梁朝武帝。夢異僧告以救羣靈之苦。莫過於水陸大齋。乃詔誌公等。創建水陸齋法。斯東土始興水陸之大因緣也。唐高宗時。法海英師。親見異人。乞行水陸。重振茲法。斯中興水陸之大因緣也。宋之四明。繼述儀軌。明之雲棲。重興齋

法。斯重訂水陸之大因緣也。夫聖恩廣被。必有所憑。將爲啟建勝會。先當資其法力。故首之以外壇誦經。道場開啟。眾聖將臨。當須內外淨潔。行止有禁。故次之以內壇結界。壇儀既淨。於是昭告人天。故次之以發符懸幡。既通誠於三寶諸天。則啟請而可冀來格。故次之以奉請上堂。既荷來格。理宜六塵精潔。如法供養。故次之以奉供上堂。既蒙列聖垂慈。

攝受。則敬田已植。正爲悲憫六道羣靈。并須告達司事天神。上體佛心。下釋拘繫。故次之以奉表告赦。既經赦放。則眾苦皆離。勝會可赴。故次之以召請下堂。既召請已。普皆雲集。當授之戒法。以滌其宿愆。淨其業識。爲受濟之基。故次之以說幽冥戒。既受戒已。得其淨識。入壇列座。安享法味。故次之以奉供下堂。法味資神。慧性斯發。六道羣靈。歡欣交暢。勝

會將圓勝緣難遇。急當趁此出離苦海。永不沈沒。故次之以念佛求生淨土。上來法事已竟。誠意已周。作法無失儀之愆。齋主鮮跛倚之過。諸聖歡喜而攝受。羣靈普度而無垠。悲敬兼行。自他俱利。其功德誠不可思議也。

一雲棲竹窗隨筆。謂水陸盛典。金山儀文。今藏無傳。四明磐師所輯科儀之文。最爲允當。且財省而易成。以此意推之。古儀繁重。必倍於今時。而觀大師

此言可知。修水陸時。祇取誠意充足。必不以煩費爲事也。正應流通無盡。但四明輯本。止存四明。諸方皆未之見。予爲訂正。重壽諸梓。以廣流通。云云由是知此之法門。大師實欲流通天下。非獨行於一方也。而猶不能廣行者。則以雲棲刻本。唯著儀文。而作法未詳之故。茲因敬體大師之意。卽雲棲本。補以臨時作法節目。會刻成書。名之會本。以廣流通云。

一水陸儀文繁重。執事甚夥。物用亦多。若不
分門別類。先散後總。勢必頭緒不清。閱者
難於捉摸。辦理必致蹶竭。今故以十三門
收拾。先列堂司。鋪設。經懺。香燈。鼓鉢。紙紮。
紙張。齋供。供事。雜務。用具。書記。十二門。以
散其總。後乃以作法一門。以總其散。既得
條分縷督。復可貫串成章。庶於道場應行
一切行之裕如。

一雲棲唯刻表白儀文。餘皆面稟。所以未能通行。今爲普度。於諸規則。皆詳列之。乃至如掛榜懸旛。告赦送聖等文。亦所不遺。以省臨時心力。

一凡唱誦腔調。惟取響亮清緩和雅。本中所標梵聲。直聲。書聲等。俱就現行式樣標之。俾行者有所依仿。其中梵聲自不可易。至直聲書聲。大概相近。則不必過執。以意會。

之可也。

一地藏菩薩。乃冥陽普度之誓願最深重者。原本不請。以地藏十輪等經。梁代尙未來震旦。故以今論之。似爲缺典。故茲於第二席。增入地藏十輪一經。第三席。增入地藏菩薩。并彙增日藏。月藏。虛空藏。金剛藏。以藏月藏二經盛稱功德。虛空大悲爲號。金剛密部總持故。共五位。或亦古師所許也。